



SULEQATIGIISITSISUT
SAMARBEJDSPARTIET

Nuuk ulloq 10. juli - 2020

Inatsisartut suleriaasianni § 37, imm. 1 naapertorlugu Naalackersuisunut imatut apeqquteqarpunga:

Naalackersuisunut apeqqutit:

1. Nuummi mittarfiliorneq qanoq ingerlava? Piffissatut pilersaarutigineqarsimasoq eqqarsaatigalugu kinguaattoorpa, pilersaarummit siusinnerusumik ingerlava imaluunniit pilersaarutitut ingerlava? Uani kingusinnerusukut aallartinneqarnikuunera soorunami ilaanngilaq.

2. Mittarfiliornerni missingersuutit qanoq eqqortinneqartigaat, tassunga ilanngullugu Nuummi mittarfiup illutaa?

-Pilersaarutigineqartut ingerlava, missingersuutit qaangerneqarpat atanneqarpalluunniit? Naalackersuisut qinnuivigineqarput taarsigassarsiasat erniallu aamma pilersaarutitut ingerlanersut imaluunniit erniat, piffissaq taarsersuiffissaq allalluunniit allanngorsimanersut.

3. Mittarfiliorerit pillugit isumaqatigiissutaasimasut atorunnaarsinneqarpata qanoq akeqassava?

4. Mittarfiliorerit qaqugu naammassissanersut Nalaackersuisut mannakkut qanoq isumaqarpat? Qinnuivigaassi mittarfinnut pingasunut tamanut piffissamik nutaamik saqqummeeqqullusi.

5. Mittarfiit pingasut tamarmik naammassippata imminnut akilersinnaanerit ilimagineqartutut suni ippa? Nunarsuarmi aningaasaqarnerup kinguariartornera pissutigalugu Covid-19-ip ukiuni aggersuni arlalinni takornariaqarnermut angalarusussuseqarnermillu ajoqusiinera eqqarsaatigalugu.

6. Mittarfiliorerit taakkunungalugu aningaasaliinerit allanngorneri pissutigalugu Naalackersuisut 2021-mut Aningaasanik inatsimmi allannguissamik pilersaaruteqarpat?

(Inatsisartunut ilaasortaq Tillie Martinussen, Suleqatigiissitsisut)

Tungavilersuut:

Mittarfiliornerni pappilissat uppersaaterpassuit isortugaasutut naqinneqarnikuusut piffissami sivirusi saqqummiunneqarnikuunngillat. Maannakkut takuarput mittarfiliorerit aallartinneqarnikuusut, taamaammallu pappilissat uppersaatiit unammerlerneqarneq eqqarsaatigalugu saqqummiunneqarnikuunngitsut innuttaasunut maannakkut saqqummiunneqartariaqarput. Taamaammatt arlalinnik immiunut akilersinnaassuseq pillugu pingaartitatsinnik arlalinnik apeqquteqarpugut, mittarfiliorerit akitsorsinnaaneri, taarsigassarsiat akitsorsinnaaneri il.il.

Mittarfiliorerit qanoq ingerlanersut aningaasaqarnermut ukiuni arlalissuarni sunniisussaapput, aaqqiissutaasinnaasunillu sunik ilimagisaqarneq aningaasanut inatsisissanut pingaaruteqarput.

Kisaatigaara apeqqutit ullut qulit ingerlaneranni akineqassasut.

Tillie Martinussen

Samarbejdsparitiet - Suleqatigiissitsisut